



UNTUK KENANGAN... Juhar (kanan) menerima cendera kenangan daripada Kamaruzaman (kiri).



GAMBAR KENANGAN... Juhar (duduk tengah) mengabadikan gambar kenangan bersama rombongan dari UMS.

TYT terima kunjungan hormat Naib Canselor UMS dan rombongan

KOTA KINABALU: Yang di-Pertua Negeri Sabah, Tun Haji Juhar bin Haji Mahiruddin berkenan menerima kunjungan hormat Naib Canselor Universiti Malaysia Sabah (UMS), Brig. Jen. Prof. Datuk Seri Panglima Kamaruzaman Ampon beserta rombongan di Istana Negeri, dekat sini, pagi kelmarin.

Kunjungan itu bertujuan memaklumkan kepada Tuan Yang Terutama mengenai pelantikannya sebagai Canselor UMS yang baru bermula 18 April 2011.

Menurut Kamaruzaman, pelantikan Tuan Yang Terutama sebagai Canselor UMS yang baru diharapkan dapat membantu Institut berkenaan ke taraf yang lebih maju standing dengan universiti-universiti yang ada di negara ini.

"Adalah diharapkan supaya Tuan Yang Terutama akan lebih dekat lagi dengan warga UMS, seterusnya mampu membawa UMS ke arah gedung ilmu yang lebih berprestij di mata masyarakat," katanya.

Ditanya mengenai perancangan UMS dalam masa terdekat ini, beliau menjelaskan bahawa pihak universiti kini sedang merancang untuk memperkasakan pelajar, mengembangkan bidang penyelidikan di samping memantapkan sistem pendidikan di universiti berkenaan.

Turut hadir, Timbalan Naib Canselor Penyelidikan dan Inovasi, Prof. Dr. Rosnah Ismail dan Timbalan Naib Canselor Hal Ehwal Pelajar dan Alumni, Prof. Madya Dr. Kassim Mansor.